

MISSA PROPRIA

De Septem Doloribus Beatæ Virginis M A R I Æ

Celebranda feria sexta post Dominicam Passionis.

Si hoc Festum occurrat cum alio duplici primæ vel secundæ Classis, transfertur ad Sabbatum sequens: quod si sit impeditum alio Festo Novem Lectionum, illo Anno omittatur, & nunquam transferatur ad tempus Paschale.

INTROITVS.

Stabat juxta Crucem IESV Mater eius, & Soror Matris eius Maria Cleophæ, & Salomei & Maria Magdalenz.

Verf: Mulier ecce Filius tuus, dixit Iesus. ad discipulum autem, ecce Mater tua. Verf: Gloria Patri & Filio.

Gloria in Excelsis.

ORATIO.

Deus, in cuius Passione, secundum Simeonis Prophetiam, dulcissimam animam Gloriosæ Virginis & Matris Mariæ doloris gladius pertransiuit, concede propitius, vt qui transfixionem eius & Passionem venerando recolimus, gloriosis meritis & precibus Omnium Sanctorum Cruci fideliter astantium intercedentibus, Passionistuz effectum felicem consequamur. Qui viuas & Regnas cum Deo Patre.

Lectio Libri Iudith.

Benedixit te Dominus in virtute sua, qui per te ad nihilum redegit inimicos. Benedicta es tu à Domino Deo excelso. Præ omnibus Mulieribus super terram. Benedictus Dominus, qui creauit cælum & terram, quia hodie Nomen tuum ita magnificauit, vt non recedat laus tua de ore hominum, qui memores fuerint virtutis Domini in æternum pro quibus non pepercisti, animæ tuæ propter angustias & tribulationes ge-

neris tui, sed subuenisti ruginæ ante conspectum Dei nostri.

Graduale. Dolorosa & lachrymabilis es Virgo Maria stans juxta Crucem Domini Iesu Filij tui Redemptoris. Alleluia, All: Virgo Dei Genitrix, quem totus non capit Orbis hoc Crucis fert supplicium vitæ vitæ factus homo. Alleluia.

Post Septuagesimam, omisso Alleluia, dicitur Tractus.

Stabat Sancta Maria cæli Regina, & mundi Domina, juxta Crucem Domini nostri IESV Christi dolorosa. *Ps.* O vos omnes qui transitis per viam, attendite & videte si est dolor sicut dolor meus.

Sequentia dicenda in die Festiuitatis tantum.

& omittenda in Missis votiuis.

Stabat Mater dolorosa,
Juxta Crucem lacrymosa,
Dum pendeat Filius.
Cuius animam gementem,
Contristatam & dolentem,
Pertransiuit gladius.
O quam tristis & afflicta,
Fuit illa benedicta,
Mater vnigeniti.
Quæ mærebat, & dolebat,
Et tremebat cum videbat
Nati pœnas inclyti.
Quis est homo qui non fleret,
Christi Matrem si videret,
In tanto supplicio?
Quis non posset contristari,
Piam Matrem contemplari,
Dolentem cum Filio.
Pro peccatis suæ gentis,
Vidit IESVM in tormentis,
Et flagellis subditum.

Vidit

Vidit suum dulcem patrem
 Morientem, desolatum,
 Dum emisit Spiritum.
 Eia Mater fons amoris,
 Me sentire vim doloris
 Fac, ut tecum lugeam.
 Fac, ut ardeat cor meum
 In amando Christum DEVM,
 Ut sibi complaceam,
 Sancta Mater istud agas,
 Crucifixi fige plagas.
 Cordi meo valide.
 Tui nati vulnerati,
 Tam dignati pro me pati,
 Poenas mecum diuide.
 Fac me vere tecum flere,
 Crucifixo condolere,
 Donec ego vixero.
 Iuxta Crucem tecum stare,
 Te libenter sociare,
 In planctu desidero.
 Virgo Virginum præclara,
 Mihi iam non sis amara,
 Fac me tecum plangere.
 Fac ut portem Christi mortem
 Passionis eius sortem,
 Et plagas recolorere.
 Fac me plagis vulnerari,
 Cruce hac inebriari.
 Ob amorem filii.
 Inflammatus, & accensus,
 Per te Virgo sim defensus,
 In die iudicii.
 Fac me cruce custodiri,
 Morte Christi præmuniri,
 Confoueri gratia.
 Quando corpus morietur,
 Fac ut animæ donetur
 Paradisi gloria, Amen.

IN Missis votivis tempore Paschali, Alleluia.
 Alleluia. *ψ.* Stabat Sancta Maria cæli
 Regina, & mundi Domina juxta Crucem
 Domini nostri IESU dolorosa, Alleluia.
ψ. O vos omnes qui transitis per viam
 attendite & videte, si est dolor sicut do-
 lor meus Alleluia.

Sequentia S. Evangelij secundum Ioannem.

IN illo tempore. Stabat juxta Cru-
 cem Iesu Mater eius, & soror Ma-
 tris eius Maria Cleopha & Maria
 Magdalena cum vidisset ergo Iesus
 Matrem, & discipulum stantem quem
 diligebat, dicit Matri suæ, Mulier eci-

ce Filius tuus, deinde dicit discipulo
 ecce Mater tua, & ex illa hora acce-
 pit eam discipulus in sua.

Credo. Offertorium.

Recordare Virgo Mater Dei dum
 steteris in conspectu Domini,
 ut loquaris pro nobis bona &
 ut auertat indignationem suam a no-
 bis.

Secreta.

Offerimus tibi preces & hostias
 Domine Iesu Christe, humili-
 ter supplicantes ut qui transfi-
 xionem dulcissimi spiritus Beatæ
 Mariæ Matris tuæ precibus recensimus,
 suæ, hominisq; sub Cruce sanctorum
 consortium multiplicato piissimo in-
 teruentu meritis mortis tuæ meritum
 cum beatis habeamus. Qui vivis &
 regnas cum Deo Patre in unitate &c.

Præfatio & te intransfixione.

COMMUNIO.

Felices sensus Beatæ Mariæ Virginis,
 qui sine morte meruerunt Marty-
 rij palmam sub Cruce Domini.

Post Communio.

Sacrificia quæ sumpsimus Domi-
 ne, Iesu Christe, transfixionem
 Matris tuæ & Virginis deuote ce-
 lebrantes, nobis impetrent apud cle-
 mentiam tuam omnis boni salutaris
 effectum. Qui vivis & regnas cum
 Deo Patre in unitate &c.

IN FESTO S. ROSÆ VIRG: Limanz.
*Missæ, Dilexisti iustitiam, ut in Com-
 muni XXIII.*

ORATIO.

Bonorum omnium laagitor om-
 nipotens Deus, qui Beatam Ros-
 sam celestis gratiæ rore præven-
 tam, virginitatis & patientiæ decore
 Indis florescere voluisti: da nobis fa-
 mulis, ut in odorem suauitatis eius
 currentes Christi bonus odor effici
 mereamur. Qui tecum vivit & re-
 gnat.

